

豫章叢書

第七冊

兵跡卷二

甯都魏 禧凝叔編輯

將體編

姓 軍中一韓西賊膽寒軍中一范西賊破膽帝王
之能用人則姓亦足以威敵姓戰也至于因姓用計
則寇恂假稱劉公兵到蘇茂聞而陣動王驥令人呼
王尙書兵至韋郎羅聞而馳還此呼姓以懾敵姓戰
也岳飛幟書岳字空植撫城而賊走幟繡一岳遣將
樹陣而敵降此標姓以威敵姓戰也此因人之畏之
乃得以行其計也至如王匡必立劉氏後以從人望

韓林兒假稱趙氏后以號召天下因以稱帝稱王幾成大業則善于用姓豈第一戰勝已哉

名威武素著則聲名足以懾敵有呼其名而敵退者張飛頓目填牆橋大喝益德而操軍倒馳張遼冲陣合肥大喊文遠而權軍驚解有書其名以克敵者魏勝填名于旗金人望之卽走密書付將鏖戰揭之卽勝此名戰也而變用之法有用其著者陶侃降溫邵止一紙函曰吾威名已著何事遣兵杜預任王濬令得專斷曰彼威名已著不宜節度有用其微者呂蒙欲襲荊則舉陸遜曰彼名未著非羽所忌唐憲宗

欲伐蔡則用李愬曰彼名尙輕蔡人易之有掩己名者桑懌曰盜畏吾名宜先示以怯自起制括令軍中敢有泄武安君將者斬苻堅寇首令軍曰敢有言吾至壽春者拔舌有掩敵名者如唐從珂北拒曰卿輩勿言石郎使我心膽墮地金亮南下令曰敢有言劉錡姓名者罪不赦而詭用之法有托人威名以賺眾者陳勝吳廣假稱扶蘇項燕舉兵草澤棄疾使人呼靈王至矣子比自殺有冒敵姓名以賺城者如王鎮惡攻劉毅稱劉藩兵上以破長安倭寇闔境稱劉顯入援而陷興化有變己姓名以脫身者田文符驗更

名姜武而脫函谷慕容超更號張伏生而出秦關有
冒人姓名以脫人者楚子綦自稱昭王而代昭死劉
子俊詐謂天祥以緩祥縛此皆因名以行計也尤有
聲名赫赫如張文正能止小兒之啼桓石虔可愈病
夫之瘡江東百姓言孫郎至皆失魂魄酈瓊聞王德
至日夜又未易當兀朮簽軍當岳飛河北無一人應
金亮選將對劉錡舉軍無一人敢馬超憚許褚則詢
操曰君之虎頭者安在周瑜忌關張則諫權曰劉備
有熊虎之將突厥畏長孫晟聞其弓聲謂爲霹靂見
其走馬謂爲閃電張須陀威震東夏周德威勇聞天

下公孫瓚李光弼聲震四海張萬福江淮草木知名
裴度黨進四夷知名此其名之素著者也呼曹瑋爲
曹父折克折家父宗澤宗爺爺孟宗政孟爺爺岳飛
爺爺軍單雄信韓果飛將軍李廣飛將軍周勃真將
軍此其以英勇而名之也楊業楊無敵魯夔鄧羌萬
人敵林椿王千斤張俊張鐵山韋韜韋虎李崇臥虎
蔡祐鐵猛獸烏承玘烏承恩二龍此其以神力而名
之也徐文徐大刀劉經劉大刀王弼雙刀王王彥章
王鐵槍李全妻梨花槍哥舒翰半段槍此以其器藝
而名之也丁德興黑丁花雲黑將軍尹繼倫黑面大

王沈慶之蒼頭公李克用獨眼龍鄒超髯參軍孫會稽紫髯將軍曹彰黃鬚將軍陳章陳夜叉王德王夜叉此以其象貌而名之也龐德白馬將陳眾白馬從事馬超白馬將軍薛仁貴白袍先鋒此以其服御而名之也馮異大樹將軍李嗣業神通大將馬璘中興銳將此以其功業而名之也至杜預擬以武庫荀彧比之子房畢誠禁中頗牧王導江左夷吾袁尙書文彥博咸稱杜預裴度侯青高進薛彤世皆指爲關張若此者或見推于敵或見重于主也古來名將類能于姓字之間隱顯變化行機制勝詎謂一名之微無

與戰事哉能以名戰斯爲名將

身 天之所以生豪傑者固異其體則烏文畫養由
基形軀偉巨蚩尤馮勝銅額鐵面趙雲姜維渾身斗
膽程育朱然膽踰賁育昭烈苻堅劉元進臂垂過膝
李廣劉淵慕容翰郭知連猿臂善射王彥章呂文德
蹠厚履長廉頗李勣虎食狼餐夏默護磨那申香身
長丈八長狄鄭瞞僞如榮如身橫九畝長百尺其力
則岳飛林椿神力千斤汪節擲石獅千斤元善見挾
石獅踰牆陳信努力推石碑伍員項羽力能舉鼎孟
賁汲桑任勝百鈞魏元宏能以指彈碎羊髀骨卞莊

李存孝手搏猛虎高奔戎陳信生捕活虎曹彰拽彪
頓象劉靈符洛坐制奔牛伊馥張蚝却拽牛走賈忠
宋令文生拔牛角夏桀梁崇義卷鐵伸鉤其捷則典
韋羅士信飛刀擲稍陳安趙德勝運槊如飛侯青辛
慶忌回鶻旋空劉亂劉靈符走踰奔馬劉翼舉柱跳
過平陽門張蚝城無上下皆可超越張士誠養子虬
平地躍起數丈柴紹弟挺身飛起十餘步著靴踏磚
上城手無板援麥鐵杖日行五百里高句麗進苻堅
十人日行千里其伎則蓋蘇文田泓伏水行水李楷
固劉昭孫踏索飛套安都効里脫兜卸甲強伸尉遲

恭赤體空拳李存勗屢經大戰從未被傷其烈則蒯
相如樊噲髮指眦裂張飛檀道濟噴目如炬伍子胥
胡大海目若燦火炯炯如燈朱亥叱咤虎震弭却劉
錡項羽叱咤洪鐘千人自廢汲桑蔡裔聲震數里呼
殞羣盜項羽常遇春上噓瓦震下吸浪生張巡顏真
卿切齒穿齦握拳透爪郢都木偶射莫能中其死則
子路溫序結纓銜鬚王範臨刃神色儼然張順橫流
怒氣如生泰不華立而不仆董搏霄白氣冲天劉光
項下無血花敬定頭斷荷戈朱遵失首馳馬周彪尸
見苻堅眸迴眦裂豪傑之所以用其身者亦異陶侃

則曰勿優逸如吳起囊糧韓滉趨舟田單板插燕噲
蘇代身自削札唐太宗馬上攜土宋太祖馬上負石
段熲不蓐寢曹操錢鏐圓木警枕韋叡張燈達旦陳
舊投籤自警祖逖聞雞起舞陶侃朝暮運甓斛律光
不脫介冑劉琨被甲枕戈王守仁征宸濠四旬
不寐岑彭伍員漢光武每一發兵鬚髮頓白漢文昭
烈髀肉悲消漢高咸陽四日光武還宮六日墨翟重
商至楚段熲土皆重商至涇陽季梁衣焦頭塵以止
魏漢高唐莊馬上十指直爲祖逖誓清中原賀若弼
得葬魚腹馬拔之志畏屍還也張柔則曰勿避險如

張弘範營于險地韓世忠願當最重張宗願爲后拒
漢光武小怯大勇文鴛花雲單騎衝陣史萬歲汪時
中單騎出入敵陣張遼子謹張綱單騎詣敵繞營周
盤龍周奉叔雙騎夾戟韓世忠蘇格聯騎貫敵達奚
武三騎穿敵張達孝離營陷陣蘇定方數先登陷陣
霍去病常與壯士先大軍李嗣業僕固懷恩崔延伯
梁國兒每戰未嘗不爲邱陞之出先入後常遇春之
摧鋒殿后孟觀羅通之親冒矢石也岳飛則曰不怕
死如明成祖矢集如蝟李繼隆機石過旁楊存中介
冑盡赤周秦滿身瘡痕王鎮惡肌被數箭曹彰鎧中

數箭雷萬春面中六矢不動漢高祖中創七十通中
六十賈復彭樂畏瘡截腸傳友德貫頰穿腦耿弇眼
矢暗摧夏侯惇拔矢啖睛趙立杜伏威帶矢擒敵荆
軻縞送易上苻登鎧刻死休胡延贊王彥面刺報國
余闕却盾不蔽蓋勳與馬不逃康保裔易甲不遁吉
星縱敵不去王僧辨劉子羽據胡牀不動孫堅王霸
矢及不動毛遂唐且藺相如伏屍濺血張瓊稽紹血
汚帝衣簡子伏弢嘔血卻克血流至足毛德祖誓與
城鏖嚴顏止有斷頭李光弼濮真納刃剖心弘演出
肝納衛懿肝張儀捐軀易地莫敢大心斷脰決腹焚

冒勃蘇膝暴蹠穿王範李寶皆陳和尚明白

死節謝枋得死得其所耿令貴皆莫皺眉畏死也然

此特沈勁之久欲致命智瑩之爲死無二劉沈俎醢

是甘不得已而爲之耳而善用計者則顯身有法漢

光武絳衣大冠宋太祖縶纓飾馬陳章自馬朱甲婁

師德紅帛抹額蔡祐明光鎧甲王世偉服短袂以耀

軍也張飛石亨呼名靈將薛仁貴沈諸梁脫兜免胄

韓世忠李晟錦衣陣前以懾敵也崔與之登城示面

郭子儀單騎暴首介子推解甲披心李勣剖股啗信

燕丹求軻騭行匍伏漢高祖撫附按行部壘我太祖

酣臥降帳以懷衆也固身有法狄青披髮銅面詔可
毳衫鐵面劉綎千金弊甲西洋眼目皆甲真臘身篋
聖鐵三佛齊良藥堅肉刀箭不入作戰謹也公孫述
盛陳陞戰劉驥子弟親御宋太祖訓練衛士出入慎
也完顏紇鈴警帳王彥夜寢屢遷李林甫數易寐處
齊簡聞魯募死士一夕三徙夜宿慎也孔明羽綸數
輛祖約置同貌數人吳起雜卒衣服劉綎戰必去幟
沈希儀草色氍衣臨陣慎也慕容備德卒爲十餘棺
分出四門潛瘞山谷曹操旣葬爲疑塚七十二楚平
王爲石礪畫震石工斃死葬亦慎也遁身有法魏勝

預習解脫陶魯閉營習敗走法馬從謙議秦襲虜預
請自歸路賀若弼爲魯廣達所敗縱烟自隱劉縱爲
虜所圍猝伏屍中李敬業爲火所焚剖馬藏腹元順
逃入水內慕容鍾地道出奔李克用匿林祝馬勿嘶
徐海王直諸倭爲胡宗憲所迫偃示伏草隱壁藏林
使敵不見也孫堅懸幘左徑司馬諡委甲歧途曹操
脫袍割鬚晉紹寶鞭遺片誤敵追也慕容垂使典軍
衣已衣乘已馬于謹使人分馳已馬祖約使貌類已
者開禿前奔脫敵圍也祖茂代頭赤涪幘逢丑父易
駕君車紀信御漢王乘輿韓成被太祖冕服賴文政

斬貌類出降嵇紹身蔽晉惠陳健身捍魏燾以人代
也孫武草人坐壁劉顯木將馳敵鉗人枕楚靈以土
自代晉平伐齊平陰以人居左右以衣物爲人形以
物代也李寶匿舟航海慕容垂捨橋筏津項忠慕容
紹盜駿宵奔慕容農宙微服晦出慕容盛醉斂夜逃
孫臏范雎車藏出入林冲夜奔大帽被雪沈希儀草
衣乘雨祝乾壽水竇出入主父詐自爲使楚完詐爲
楚使田文出關令客作雞鳴魏追宇文泰墜馬李穆
以策扶泰而罵若爲俘獲相機以脫出也如猝遇大
敵勢孤難支度不可脫則李廣下馬解鞍檀道濟解